



partii naleraq

17.Maj.2017

UPA2017/46

**Umiatsiaararsorlutik aalisartut saarullinnik bundgarninik pisarineqartunik pisarineqareerlutik aniseqqinneqartut annertussusaat pillugit nalunaarutiteqartarnissat, kiisalu nulunaarutigineqartut pinngortitaleriffimmut atugassanngortinneqarnissaat qulakkeerniarlugu Naalakkersuisut suliniuteqarnissamik peqquneqarnissaat pillugu Inatsisartut aalajangiiffissaattut siunnersuut.**

(Inatsisartunut ilaasortaq Hans Aronsen, Inuit Ataqatigiit)

Bundgarninik amoornermi sinneruttut aniseqqiinneqartartut allatorneqartalernissaanik aammalu pingortitaleriffimmut nalunaarutigineqartalernissaanik siunnersuut imatut oqaaseqarfigissavarput Partii Naleqqamiik.

Naalakkersuisut akissuteqaamminni oqaatigaat pingortitaleriffik annertuumik misissuisareersoq siunnersuullu allaffissornermik annerusumik pilersitsiinnassasoq, Naalakkersuisut akissuteqaataat isumaqatigaarput tassami aamma umiatsiaqqamik taamak mikitigisumi pappiaqqanik paarsiniarneq qanoq ajornarsinnaatigisoq ilaatigut ilisimagatsigu.

Taamaatorli aalisartut biologillu ilisimasaat ilaanni imminnut qanoq ungasissinnaatigisartut aamma ilsimagatsigu, peqassutsimillu misissuisarneq ilaanni assut apeqqusernartarpoq immaqqa aningaasat atornerqartartut amigarsinnaasarneri pissutaaqataasimasinnaasarlutik.

Taamaatumik kaamattuutigerusunnarpoq sukumiisumik misissuisoqartarnissaa sineriak tamaat ataatsimut isigalugu, aammalu Bioloogit aalisartullu suleqatigiinnerunissaat kaamattuutigalutigu.

Taamatut oqaaseqarluta Naalakkersuisut akuersinnginnerat taperserparput.

Henrik Fleischer

